

AUGLÝSING

um umferð á Sauðárkróki.

Samkvæmt heimild í 81. gr. umferðarlaga nr. 50/1987 og að fenginni tillögu bæjarstjórnar Sauðárkróks hafa eftirtaldar reglur verið ákveðnar varðandi umferð á Sauðárkróki:

Á Strandvegi verður aðalbrautarréttur. Biðskylda verður því á Aðalgötu gagnvart Strandvegi, á Freyjugötu gagnvart Strandvegi og á sundi norðan Rafsjár gagnvart Strandvegi.

Reglur þessar taka gildi nú þegar.

Lögreglustjórinn á Sauðárkróki, 11. september 1991.

Sigríður J. Friðjónsdóttir, aðalfulltrúi.

REGLUGERÐ

um breytingu á reglugerð um vörubifreiðar og sendibifreiðar, sem notaðar eru til leiguaksturs og takmarkanir á fjölda þeirra, nr. 121/1990, ásamt síðari breytingum.

1. gr.

27. tölul. 7. gr. orðist svo:

Á félagssvæði Vörubílstjórafélags Suðurnesja, sem er Keflavík, Njarðvík, Vatnsleysustrandar-, Gerða-, Miðnes- og Hafnahreppur. Hámarkstala er 25 vörubifreiðar.

2. gr.

Reglugerð þessi, sem sett er samkvæmt lögum um leigubifreiðar, nr. 77/1989, staðfestist hér með til að öðlast þegar gildi og birtast til eftirbreytni öllum þeim sem hlut eiga að máli.

Samgönguráðuneytið, 20. september 1991.

Halldór Blöndal.

Elín Helgadóttir.

GJALDSKRÁ

fyrir heilbrigðiseftirlit á starfssvæði Heilbrigðiseftirlits Eyjafjarðar.

1. gr.

Af eftirlitsskyldri starfsemi á starfssvæði heilbrigðiseftirlits Eyjafjarðar er sveitarstjórn-um heimilt að innheimta gjöld svo sem greinir í gjaldskrá þessari.

2. gr.

Eftirlitsskyldum fyrirtækjum er skipt í fjóra flokka eftir gerð og umfangi, sbr. fyrirtækjalista sem fylgir með gjaldskrá þessari.

Færsla fyrirtækja milli flokka skal staðfest á sama hátt og gjaldskrá þessi og listi.

3. gr.

Fyrir rekstrarleyfi skv. III-IV og VIII-XIX kafla heilbrigðisreglugerða nr. 149/1990 er heimilt að innheimta leyfisgjald við afhendingu leyfisbréfs svo sem hér greinir:

	kr.
1. flokkur	1 000
2. flokkur	2 000
3. flokkur	3 000
4. flokkur	4 000

Fyrir leyfi vegna breytinga á húsakynnum eða rekstri skal greiða hálf gjald. Sé um að ræða smávægilegar breytingar er heimilt að lækka eða fella gjaldið niður.

4. gr.

Í samræmi við 5. gr. 3. tl. í lögum nr. 81/1988, um hollustuhætti og heilbrigðiseftirlit, er heimilt að innheimta árlega eftirlitsgjald af eftirlitsskyldri starfsemi skv. 7., 8., 12., 13., 14., 15., 16. og 17. tl. 2. gr. sömu laga, svo sem hér segir:

	kr.
1. flokkur	10 000
2. flokkur	20 000
3. flokkur	40 000
4. flokkur	60 000

Þar sem um er að ræða mjög takmarkaða starfsemi eða starfsemi hluta úr ári, er heimilt að innheimta hálf gjald viðkomandi flokks eða færa fyrirtæki niður um flokk miðað við skráningu á fylgiskjali.

5. gr.

Framkvæmdastjóri heilbrigðiseftirlits lætur, fyrir hönd svæðisnefndar, sveitarstjórnunum í té lista yfir eftirlitsskyld fyrirtæki. Sveitarstjórnir annast álagningu og innheimtu eftirlitsgjalda.

6. gr.

Gjöld skv. 4. gr. má innheimta með lögtaki.

7. gr.

Gjaldskrá þessi, sem samþykkt er af sveitarstjórnunum á heilbrigðiseftirlitssvæði Eyjafjarðar, sbr. 6. gr. 7. tl. laga nr. 81/1988, um hollustuhætti og heilbrigðiseftirlit, í samráði við svæðisnefnd, staðfestist hér með skv. 22. gr. áðurnefndra laga, til þess að öðlast gildi þegar við birtingu. Jafnframt falla úr gildi öll ákvæði gjaldskrár nr. 86/1990, fyrir heilbrigðis- og mengunareftirlit á starfssvæði heilbrigðiseftirlits Eyjafjarðar önnur en þau er lúta að eftirlitsgjaldi með eftirlitsskyldri starfsemi sem hefur í för með sér mengun sbr. 3. gr. laga nr. 81/1988 og mengunarvarnareglugerð.

Heilbrigðis- og tryggingamálaráðuneytið, 16. september 1991.

Sighvatur Björgvinsson.

Ingimar Sigurðsson.

Fylgiskjal.**Flokkun fyrirtækja eftir umfangi skv. ákvæðum 2. gr. laga nr. 81/1988.****I.**

Leiktækjasalir
Gufubaðstofur
Ljósbaðstofur
Leikvellir
Læknastofur
Rakarastofur
Hárgreiðslustofur og aðrar snyrtistofur
Sælgætis- og tóbakssölur
Málningaverslanir
Tannlæknastofur
Torgsala og annar sambærilegur rekstur

II.

Fangageymslur
Félagsheimili, sem ekki eru með samfelldan veitingarekstur
Gistiheimili án veitinga
Heilsuræktarstöðvar
Íþróttahús án sundstaðar
Íþróttavellir/sundstaðir
Brauðgerð/brauðsala
Kvikmyndahús
Læknastöðvar
Leikskólar
Matsöluvagnar
Mötuneyti (minni)
Neysluvörugæmslur
Nýlenduvöruverslanir
Sælgætisgerðir (minni)
Tækifærisveitingar
Annar sambærilegur rekstur

III.

Brauðgerðarhús
Brauðstofur
Pizzugerðir
Dagheimili
Félagsheimili með veitingarekstur
Fiskbúðir
Minni hótél
Sjúkrahús 1 (hjúkrunarheimili o.s.frv.)
Dvalarheimili o.þ.h.
Ísbúðir/ísgerðir
Íþróttahús með sundlaug
Sundlaugar/sundhallir
Kjörbúðir/nýlenduvöruverslanir
Leiktækjasalir með veitingum
Skyndibitastaðir
Stærri samkomuhús og veitingastaðir
Sælgætisgerðir (stærri)
Veislumiðstöðvar
Veitingastaðir
Vinnslustöðvar minni (kjöt, fiskur og önnur matvæli)
Annar sambærilegur rekstur

IV.

Stórmarkaðir
Stærri kjörbúðir
Stór hótél
Stórar matvælavinnslustöðvar
Stór brauðgerðarhús
Mjólkurstöðvar
Vinnuheimili
Tækifærisveitingar vegna stórsýninga, kaupstefna o.þ.h.
Sjúkrahús 2 (svæðissjúkrahús, deildarskipt sjúkrahús, almenn sjúkrahús)
Annar sambærilegur rekstur.

AUGLÝSING**um gildistöku breytinga á skipan prestakalla.**

Sameining Háls- og Staðarfellsprestakalla í Þingeyjarprófastsdæmi í eitt prestakall, Ljósavatsprestakall, sbr. lög um skipan prestakalla o.fl. nr. 62 17. maí 1990, 1. gr. XIII. lið, sem frestað var með auglýsingu nr. 538/1990, tekur gildi frá og með 1. okt. 1991.

Dóms- og kirkjumálaráðuneytið, 24. september 1991.

Þorsteinn Pálsson.

Anna Guðrún Björnsdóttir.